

Paghigugma, Pagpakigbahin, Pagdapit

Paghigugma

Juan 13:34–35; Mosiah 18:20–22; Doktrina ug mga Pakigsaad 12:7–9; 121:41–42

Si Elder Gary E. Stevenson sa Korum sa Napulog Duha ka Apostoles mitudlo:



Sa matag higayon nga atong gipakita ang Kristohanon nga gugma ngadto sa atong mga silingan, atong gisangyaw ang ebanghelyo—bisan kon wala kitay bisan usa ka pulong nga gisulti.

Ang gugma alang sa uban mao ang klaro nga pagpadayag sa ikaduhang dako nga sugo sa paghigugma sa atong silingan; kini nagpakita sa makapalimpyo nga proseso sa impluwensiya sa Esipiritu Santo sulod sa atong mga kalag. Pinaagi sa pagpakita sa gugma ni Kristo ngadto sa uban, atong madasig kadtong kinsa nakakita sa atong maayong mga buhat aron “daygon nila ang [atong] Amahan nga atua sa langit” [Mateo 5:16]. (Gary E. Stevenson, “Paghigugma, Pagpaambit, Pagdapit,” *Liahona*, Mayo 2022, 85)

Pagpakigbahin

2 Nephi 2:6–8; Mosiah 28:1–3; Alma 31:5; Doktrina ug mga Pakigsaad 60:2

Si Elder Dieter F. Uchtdorf sa Korum sa Napulog Duha ka Apostoles mitudlo:



Kon dunay mangutana bahin sa inyong hinapos sa semana, ayaw pagduhaduha sa paghisgut bahin sa inyong kasinatian sa simbahan. Paghisgut bahin sa gagmayng mga bata nga miabarug sa atubangan sa kongregasyon ug mikanta nga madasigon kon giunsa nila pagpaningkamot nga mahimong sama ni Jesus. Paghisgut bahin sa grupo sa mga batan-on kinsa migahin og panahon sa pagtabang sa mga tigulang sa balay pahulayanan arong sa paghan-ay og personal nga mga kasaysayan. . . .

Sa bisan unsang paagi nga natural o normal para nimo, ipaambit sa mga tawo ngano nga si Jesukristo ug ang Iyang Simbahan importante para nimo. (Dieter F. Uchtdorf, “Misyonaryo nga Buhat: Pagpakigbahin sa Unsay Anaa sa Inyong Kasingkasing,” *Liahona* Mayo 2019, 17)

Pagdapit

Juan 1:35–46; 4:28–30, 39–41; Alma 5:62; Moroni 10:3–5

Si Elder Gary E. Stevenson sa Korum sa Napulog Duha ka Apostoles mitudlo:



Adunay daghan kaayong mga pagdapit nga mahimo natong ipaabot sa uban. Kita makadapit sa uban sa “pagduol ug pagtan-aw” sa usa ka tulumanon sa sakramento, usa ka kalihokan sa ward, usa ka online nga video nga nagpasabot sa ebanghelyo ni Jesukristo. Ang “pagduol ug pagtan-aw” mahimong mao ang usa ka imbitasyon sa pagbasa sa Basahon ni Mormon o pagbisita sa usa ka bag-o nga templo atol sa open house niini sa dili pa kini ipahinungod. Usahay, ang pagdapit mao ang usa ka butang nga atong ipaabot ngadto sa kahiladman—usa ka pagdapit sa atong kaugalingon, maghatag kanato og kaigmat ug panglantaw sa mga oportunidad nga naglibot kanato aron lihokon. (Gary E. Stevenson, “Paghigugma, Pagpaambit, Pagdapit,” *Liahona*, Mayo 2022, 86)